



Broj: 02-04-3-2013-11/23
Goražde, 19.07.2023. godine

Na osnovu člana 70. stav 1. i 3. i člana 72. stav 3. tačka a) Zakona o javnim nabavkama ("Službeni glasnik BiH" br. 39/14, 59/22) u postupku javne nabavke – konkurentski zahtjev za dostavljanje ponuda za izvođenje radova na adaptaciji četiri stambene jedinice u vlasništvu Grada Goražda, Gradonačelnik Grada Goražda donosi:

O D L U K U

o izboru drugorangiranog ponuđača u postupku javne nabavke za sanaciju stambene jedinice u ul. 1. Drinske brigade br. 13 (lot 4)

I

Ovom Odlukom se ugovor o sanaciji stambene jedinice u ul. 1. Drinske brigade br. 13 u Goraždu (lot 4) dodjeljuje drugorangiranom ponuđaču „Goraždestan” d.o.o. Goražde prema ponudi navedenog ponuđača broj 325/23 od 07.06.2023. godine.

II

Cijena ponude ponuđača iz člana I ove odluke, nakon završene e-aukcije iznosi 2.000,50 KM bez PDV-a (slovima: dvijehiljade KM i 50/100) odnosno 2.340,60 KM sa uračunatim PDV-oma (slovima:dvijehiljadetristotinečetrestet KM i 60/100).

III

Drugorangirani ponuđač je u skladu sa uslovima iz tenderske dokumentacije, na adresu ugovornog organa dostavio, original ili ovjerene fotokopije dokaza o ispunjavanju uslova u pogledu lične sposobnosti iz člana 45. Zakona o javnim nabavkama.

IV

Ova Odluka će se objaviti na web stranici Gradske uprave Goražde www.gorazde.ba sa istovremenim upućivanjem ponuđačima koji su učestvovali u postupku javne nabavke u skladu sa članom 70. stav 3. Zakona o javnim nabavkama.

V

Ovom odlukom stavlja se van snage odluka o prihvatanju ponude ponuđača „HDI“ d.o.o. Sarajevo za izvođenje radova na sanaciji stambene jedinice u ul. 1. Drinske brigade br. 13 (lot 4) u Goraždu broj 02-04-3-2013-5/23 od 04.07.2023. godine.

Gradonačelnik Grada Goražda je dana 22.05.2023. godine donio Odluku o pokretanju postupka javne nabavke radova na adaptaciji četiri stambene jedinice u vlasništvu Grada Goražda putem konkurentskog zahtjeva za dostavljanje ponuda. Obzirom da je izvršena izmjena tenderske dokumentacije u pogledu procijenjene ukupne vrijednosti ugovora po lotovima, Gradonačelnik je stavio van snage predmetnu Odluku i donio Odluku o pokretanju postupka javne nabavke radova na adaptaciji četiri stambene jedinice u vlasništvu Grada Goražda broj: 02-04-3-2013-1/23 od 01.06.2023. godine. Predmetna nabavka je podjeljena na sljedeće lot-ove:

- Lot 1 – Sanacija stambene jedinice u ul. Šukrije Kukavice br. 5
- Lot 2 – Sanacija stambene jedinice u ul. Salih bega Kuljuha br. 15
- Lot 3 – Sanacija stambene jedinice u ul. Panorama br. 35
- Lot 4 – Sanacija stambene jedinice u ul. 1. Drinske brigade br. 13

Na osnovu navedene odluke objavljeno je Obavještenje o javnoj nabavci na portalu javnih nabavki. Tenderska dokumentacija za ovu nabavku je objavljena takođe na portalu javnih nabavki i istu je preuzelo 6 zainteresirana ponuđača, a ispravku tenderske dokumentacije preuzelo je 3 zainteresirana ponuđača.

Na osnovu pomenutog obavještenja proveden je konkurentski postupak prikupljanja i otvaranja ponuda što je konstatovano u zapisniku sa otvaranja ponuda od 09.06.2023. godine.

U predviđenom roku za dostavljanje ponuda do 09.06.2023. godine do 11:00 sati dostavljene su ponude ponuđača :

- „Goraždestan“ d.o.o. Goražde i
- „HDI“ d.o.o. Sarajevo.

Komisija za provođenje procedure javne nabavke je izvršila pregled i ocjeni ponuda i konstatovala da obje ponude zadovoljavaju sve uslove tražene tenderskom dokumentacijom, što je navedeno u zapisniku o pregledu i ocjeni ponuda, shodno čemu je zakazana e-aukcija za dan 23.06.2023. godine. Nakon završene e-aukcije na konačnoj rang listi ponuđača koji su učestvovali u e-aukciji, prvorangirana ponuda u skladu sa kriterijem “najniža cijena” je ponuda ponuđača “HDI” d.o.o. Sarajevo, dok je drugorangirana ponuda ponuđača “Goraždestan” d.o.o. Goražde.

U skladu sa navedenim i preporukom Komisije za provođenje predmetnog postupka javne nabavke, Grad Goražde je donio Odluku o prihvatanju ponude ponuđača “HDI” d.o.o. Sarajevo za izvođenje radova na sanaciji stambene jedinice u ul. 1. Drinske brigade br. 13 u Goraždu. Navedena Odluka i Obavijest o rezultatima postupka javne nabavke je dostavljena ponuđačima koji su učestvovali u ovom postupku javne nabavke.

U skladu sa tačkom 3.1.8. tenderske dokumentacije, kao i članom III Odluke o prihvatanju ponude navedenog ponuđača broj 02-04-3-2013-5/23 od 04.07.2023. godine izabrani ponuđač je bio obavezan da u roku od 7 dana od dana zaprimanja odluke o prihvatanju ponude dostavi original ili ovjerenu fotokopiju dokaza o ispunjavanju uslova iz člana 45. Zakona o javnim nabavkama. Izabrani ponuđač je Odluku o prihvatanju njegove ponude zaprimio dana 11.07.2023. godine.

Komisija za provođenje postupka javne nabavke je konstatovala da je ponuđač „HDI“ d.o.o. Sarajevo propustio da u određenom roku dostavi original ili ovjerene fotokopije dokaza iz člana 45. Zakona o javnim nabavkama, shodno čemu je u skladu sa članom 72. stav 3. Zakona o javnim nabavkama odlučeno kao u dispozitivu ove odluke.

POUKA O PRAVNOM LIJEKU: Protiv ove odluke može se izjaviti žalba u roku od 5 dana od dana prijema iste. Žalba se izjavljuje ugovornom organu u pisanoj formi direktno, elektronskim putem ili preporučenom poštanskom pošiljkom, u najmanje tri primjerka.

DOSTAVITI:

1. Ponuđačima,
2. u spis,
3. a/a.-



GRADONAČELNIK

ERNEST IMAMOVIĆ